

"মিষ্টি বাচ্চারা :- তোমরা আত্ম - অভিমানী হও, এক বাবার শ্রীমতে চলতে থাকো, তোমাদের কুল হলো উচ্চ, তোমরা স্বদর্শন চক্রধারী হও"

প্রশ্ন :- শিব শক্তি পাণ্ডব সেনাদের প্রতি বাবার নির্দেশ কি ?

উত্তর :- বাবার নির্দেশ হলো ---- শ্রীমতে চলে তোমরা এই ভারতের জীবন নৌকা পার করো । "সর্ব ধর্মান্ পরিত্যজ্য মামেকম্ শরণং ব্রজ" অর্থাৎ (দেহ সহ দেহের সকল ধর্ম পরিত্যাগ করে) আমাকে স্মরণ করো । পবিত্র হয়ে অন্যদেরও পবিত্র করো । তোমরা শিব শক্তি, পাণ্ডব সেনা পবিত্র হয়ে নিজের তন - মন এবং ধনের দ্বারা ভারতকে স্বর্গ বানানোর সেবা করো । তোমরা শ্রীমতে চলে অহিংসার শক্তিতে ভারতের সত্যিকারের সেবা করো ।

গীত :- ওম নমঃ শিবায়

ওম শান্তি । বাচ্চারা এই গীত শুনেছে । এ হলো নিরাকার শিব পরমপিতা পরমাত্মার মহিমা । তাঁকেই ভগবান বলা হয় । ভগবান একজনই হয় । ভারতবাসীদের অনেক ভগবান । তারা কুকুর, বিড়াল, পাখর, নুড়ি সবাইকেই ভগবান মেনে নেয় আবার নিজেকেও ভগবান মনে করে, তাই ভগবান বলেন এরা সকলেই নাস্তিক । পরমপিতা পরমাত্মার তো অনেক মহিমা, তিনি এই পতিত সৃষ্টিকে পবিত্র করেন অথবা কড়ি তুল্য কাঙ্গাল ভারতকে হীরের মুকুটে পরিণত করেন । এ হলো পাঁচ হাজার বছর আগের কথা যখন ভারত ডবল মুকুট ধারী ছিলো । এই কথা কে বোঝাচ্ছেন ? সেই পরমপিতা পরমাত্মা শিব, যাকে জ্ঞানের সাগরও বলা হয় । মহিমা হলো একমাত্র রচয়িতা বাবার, বাকি তো সবই হলো রচনা । ভারতবাসী বলে -- তুমি মাতা - পিতা, আমরা তোমার বালক । ভারতে অপার সুখ ছিলো, এখন তা আর নেই । এখন হলো আসুরী রাবণের সম্প্রদায় । প্রত্যেক নর - নারীর মধ্যে পাঁচ বিকার ব্যাপক, এতে রাজা - রানী, সাধু - সন্ন্যাসী আদি সবই এসে যায় । কোনো না কোনো বিকার সকলের মধ্যে অবশ্যই আছে । এ তো হলো পতিত দুনিয়া, পতিত ভারত । সত্যযুগে এই ভারত পবিত্র ছিলো । পবিত্র গৃহস্থ ধর্ম, পবিত্র প্রবৃত্তি মার্গ ছিলো । এখন হলো অপবিত্র প্রবৃত্তি মার্গ । ভারত ছিলো ডবল মুকুটধারী, অথৈ ধন ছিলো, হীরে - জহরতের মহল ছিলো, পরের দিকে মুসলমান ইত্যাদিরা লুণ্ঠ করে নিজেদের মসজিদ, কবরস্থান ইত্যাদিতে হীরে জহরত লাগিয়ে দিয়েছে । ভারত তো এখন সম্পূর্ণ কাঙ্গাল হয়ে গেছে । আমাকে ভুলে যাওয়ার কারণে তারা নাস্তিক হয়ে গেছে । আমি তো ভারতবাসীদের দেবতা বানাই । এই মহিমাও করা হয় যে, তুমি মাতা - পিতাতাই অবশ্যই বাবার কাছ থেকেই স্বর্গের আশীর্বাদী বর্ষা পাওয়া উচিত । তাঁর থেকে স্বর্গের অসীম সুখ পাওয়া যায় । বাবা বলেন -- আমি তোমাদের স্বর্গের মালিক বানাই --- রাজযোগ আর জ্ঞান শিখিয়ে । পরম পিতা পরমাত্মা এসে আত্মাদের পড়ান, তিনি বলেন, তোমরা আত্ম - অভিমানী হও । এমন নয় যে পরমাত্মা - অভিমানী হও । এ হলো ভুল । ঈশ্বর কখনোই সর্বব্যাপী নন । বাবা হলেন শিব আর বাচ্চারা শালগ্রাম । দুইই পরমধামে থাকেন । তাই আমরা সবাই হলাম আত্মা । সন্ন্যাসীরা তবুও বলে দেয় - ব্রহ্মোহম, সব ব্রহ্মই ব্রহ্ম । বাকি সবই মিথ্যা । আমরাও ব্রহ্ম । এখন শ্রী শ্রী ১০৮ জগতগুরু, পতিত পাবন তো হলেন একজনই, তাঁকেই সদ্ধুরু বলা হয় । যে পতিত দুনিয়াতে থাকে তাকে কিভাবে

পতিত পাবন বলা হবে ? এরা তো নিজেরাই পতিত তাহলে অন্যদের পবিত্র কিভাবে করবেন । যারা পূর্বে পবিত্র থাকে, তাদেরও বিয়ে করিয়ে আরো পতিত করিয়ে দেয় ।

এখন শিববাবা বলছেন -- বাচ্চারা,আত্ম - অভিমানী হও । নিজেকে আত্মা নিশ্চিত করো । বাবা এসেই তোমাদের রাজযোগ শেখান । শ্রীকৃষ্ণকে ভগবান বলা যেতে পারে না । তিনি হলেন দৈব গুণ সম্পন্ন মানুষ । তিনি সত্যযুগের প্রিন্স ছিলেন । পরম পিতা পরমাত্মার মহিমা অনেক বড় । তিনি নিজে আত্মাদের বলেন --- হে আত্মারা, তোমরা যখন সত্যযুগে ছিলে, তখন কতো পবিত্র ছিলে, এখন পতিত হয়ে গেছো । এখন আবার যদি তোমাদের সুখী হতে হয় তাহলে শ্রীমতে চলো । শ্রেষ্ঠর থেকে শ্রেষ্ঠ মত হলো ভগবানের । মানুষ তো একদিকে বলে দেয় ভগবান নাম - রূপ থেকে পৃথক আবার বলে দেয় যে, তিনি সর্বব্যাপী, একে বলা হয় ধর্মের গ্লানি । কেউই জানে না যে ভারতে আদি সনাতন দেবী - দেবতা ধর্ম ছিলো । সেই ধর্ম কে স্থাপন করেছিলো, কোনো জ্ঞানই নেই । বাবা আর বাবার রচনার আদি - মধ্য এবং অন্তকে জানেই না । মানুষই তো জানবে, পশু তো আর জানবে না । শিববাবাকেই বাবা বলা হয় । এরপর প্রজাপিতা ব্রহ্মার দ্বারা ব্রাহ্মণ কুলের স্থাপনা হয় । কোনো মানুষই জানে না যে, পরম পিতা পরমাত্মা আমাদের কিভাবে রচনা করেন এবং কিভাবে পালন করেন । প্রজাপিতা ব্রহ্মা হলেন মনুষ্য সৃষ্টির রচয়িতা, আবার পরম পিতা পরমাত্মাকেও সৃষ্টিকর্তা বলা হয় । তিনি হলেন আত্মাদের বাবা । তাহলে সবাই হলো শিবের সন্তান ব্রহ্মাকুমার - কুমারী । আশীর্বাদী বর্ষা সেই মাতা - পিতার থেকে পাওয়া যায় । বাবা বলেন, আমি যেহেতু তোমাদের জন্ম দিয়েছি তো স্মরণ তো আমাকেই করতে হবে আর আশীর্বাদী বর্ষাকেও স্মরণ করো । মৃত্যু তো সামনেই উপস্থিত । মৃত্যুর সময় মানুষ বলে ভগবানকে স্মরণ করো । এখন ভগবান নিজে বলেন -- -বাচ্চারা, তোমরা আমার শ্রীমতে চলো । এক হলো যাদবদের মত আর এক হলো কৌরবদের মত । এ হলো পাণ্ডবদের মত । পাণ্ডবদের মত হলো ঈশ্বরীয় মত । গায়নও আছে যে বিনাশকালে বিপরীত বুদ্ধি । পাণ্ডবদের হলো প্রীত বুদ্ধি ।

তোমরা জানো যে -- এ হলো মিথ্যা খণ্ড । পাঁচ হাজার বছর আগে ছিলো সত্য খণ্ড । তখন দেবতারা রাজত্ব করতো । ভারতবাসী ছিলো সম্পূর্ণ বিশ্বের মালিক এখন যা আর নেই । এখন তোমরা আবার বিশ্বের মালিক হচ্ছেো । সত্যযুগে ছিলো ওয়ার্ল্ড অলমাইটি অথরিটির রাজ্য, এখন তা আর নেই । বাবা বলেন, আমি আবার তা নতুন করে স্থাপন করছি । বাকি সব ধর্ম শেষ হয়ে যাবে । এখন তোমরা পতিত -পাবন পরমাত্মাকে স্মরণ করো আর নিজেদের আত্মা মনে করো । পাপ - আত্মা, পুণ্য - আত্মা বলা হয় । ভারতে সবাই ছিলো পুণ্য আত্মা, এখন সবাই পাপ - আত্মা । পুণ্য - পরমাত্মা বলা হবে না । বাচ্চারা, তোমাদের এখন ৮৪ জন্ম সম্পূর্ণ হয়েছে । এখন আমি এসেছি বাচ্চাদের ফিরিয়ে নিয়ে যেতে, আমি তোমাদের বেহদের বাবা, আবার শিক্ষকও । আমি তোমাদের বেহদের হিস্ট্রি - জিওগ্রাফির রহস্য বলে দিয়ে স্বদর্শন চক্রধারী বানাই । দেবতারা স্বদর্শন চক্রধারী হন না । ব্রাহ্মণদের হলো সবথেকে উচ্চ কুল । ব্রাহ্মণ তো হলো শিখা । তারা প্রজাপিতা ব্রহ্মার সন্তান যারা দেবতা হবে । বাবা বলেন, তোমরা আগে ব্রাহ্মণ ছিলে তারপর ক্ষত্রিয়, বৈশ্য এবং শূদ্র হয়েছো । তোমরা পুনর্জন্ম নিয়ে এসেছো । এখন আমি আবার তোমাদের শিক্ষা দিয়ে দেবী - দেবতা বানাই । এই সময় ভারতবাসী সম্পূর্ণ কবরে শায়িত, অথচ তারা নিজেদের বড় বড় টাইটেল দেয় ---- সর্বোদয়া লীডার । সর্ব অর্থাৎ সম্পূর্ণ সৃষ্টির মনুষ্য মাত্রের উপর দয়া, এ তো কোনো মানুষ করতে পারে না । এক বাবাকেই নলেজফুল আর ব্লিসফুল বলা হয় । এখন বাবা বলেন - সর্ব ধর্মান

পরিত্যাজ্য ----- মামেকম্ স্মরণ করো তাহলেই যোগ অগ্নিতে তোমাদের বিকর্মের বিনাশ হবে । এমন নয় যে পতিত - পাবন হলো গঙ্গা । পতিত - পাবন হলেন একমাত্র বাবাই । এরা শিবশক্তি পাণ্ডব সেনা, যারা পবিত্র থাকে । এই ভারতের মাতারা হলো শিবশক্তি পাণ্ডব সেনা যারা তাদের তন - মন এবং ধনের দ্বারা এই ভারতকে স্বর্গ বানাচ্ছেন । একদিকে অহিংসা আর একদিকে হিংসা । ওরা কি করে আর তোমরা কি করো ? সেই স্মরণও আছে, পাঁচ হাজার বছর পূর্বে তোমরা যে সেবা করেছিলে, তার স্মৃতিচিহ্ন আছে । তোমরা সেবা করো । এ হলো জ্ঞান, এতে অন্ধ শ্রদ্ধার কোনো কথা নেই । তোমরা শিবের মন্দিরে যেতে কিন্তু জানতে না যে শিববাবা তো স্বর্গের রচয়িতা । তাই তাঁর থেকে অবশ্যই স্বর্গের আশীর্বাদী বর্ষা পাওয়া উচিত । পরমাত্মা সবসময় তাঁর সন্তানদের সুখের বর্ষা দেন, এই কারণেই সকলেই তাঁকে স্মরণ করে যে -- হে পতিত - পাবন এসো । হে বাবা, তুমি আবার এসে আমাদের স্বর্গের রাজ্য - ভাগ্য দাও, তুমি এসে আমাদের জীবন মুক্তি দাও । সন্নতিদাতা একমাত্র ভগবানই । পবিত্র হয়ে অন্যদের পবিত্র বানানোর জন্য তোমরাই হলে সেই শিবশক্তি পাণ্ডব সেনা । তোমরাই শ্রীমতে চলে ভারতেই জীবন রূপী নৌকা পার করো । তোমরাই বাবার শ্রীমত পেয়েছো -----"সর্ব ধর্মান পরিত্যাজ্য -----মামেকম্ (আমাকে) স্মরণ করো । ওই বাবা হলেন সৎ - চিৎ --- জ্ঞানের সাগর, সুখের সাগর ----। তিনি আসেন বাচ্চাদের পড়াতে । বাবা আত্মাদের সাথে কথা বলেন । আত্মারা তা শোনে । আত্মাই সবকিছু করে । বাবা বলেন, তোমরাই সেই হারানিধি যারা অনেককাল আমার থেকে আলাদা হয়ে গেছো ----পরমধাম থেকে প্রথমে কোন্ আত্মারা আসে ? যাদের অন্ত পর্যন্ত এখানে থাকতে হবে । স্বর্গে আদিতো এই দেবী - দেবতারা ছিলেন । তাঁরাই সম্পূর্ণ ৮৪ জন্ম ভোগ করেছিলেন । পরম পিতা পরমাত্মা যখন আসেন তখন অনেকদিন ধরে তাঁর থেকে হারিয়ে যাওয়া আত্মারাই প্রথমে এসে বাবার থেকে আশীর্বাদী বর্ষা নেয় । বাচ্চারা, গৃহস্থ জীবনে থেকে বাবাকে স্মরণ করো, কমল পুষ্পের সমান থাকো, শ্রীমতে চলে আবার এমন শ্রেষ্ঠ হও । অর্ধেক কল্প তোমরা অনেক সুখ ভোগ করেছিলে, তারপর মায়া রাবণ আসুরী মতে তোমাদের নামিয়ে দিয়েছে । যারা সূর্যবংশী ছিলো, তারাই চন্দ্রবংশী হয়েছিলো ----এখন আবার শূদ্র থেকে ব্রাহ্মণ হয়েছে । তোমরা হলে গুপ্ত । তোমাদের কেউই চেনে না । বেহদের বাপু জী বলেন ----আমি এই সম্পূর্ণ সৃষ্টির বাপু জী, স্বর্গ তো আমিই স্থাপন করবো । হদের বাপু জী বিদেশীদের তাড়িয়ে দিয়েছিলো । ইনি সবাইকে এই সৃষ্টি থেকে সঙ্গে নিয়ে চলে যান । এখন অনেক ধর্মের বিনাশ এবং এক ধর্মের স্থাপন হচ্ছে । এই সমস্ত ঘটনাকে তারাই বুঝবে যারা আগের কল্পে বুঝেছিলো । যারা সূর্যবংশী রাজ্যে আসে, তারা এসেই আবার রাজ্য করবে । এ হলো অনেক বড় ঝাড় । আদি সনাতন দেবী দেবতা ধর্মের চারা লাগছে এখন । কলিযুগ হলো কাঁটার জঙ্গল আর সত্যযুগ ফুলের বাগান । যারা একে অপরকে সুখ দেয়, তাদের বলা হয় দৈবী সম্প্রদায় । যারা দুঃখ দেয় তাদের বলা হয় আসুরী সম্প্রদায় । শিববাবা এসে শিবালয় স্থাপন করেন । তিনি তোমাদের স্বর্গের মালিক বানান । যে যত পুরুষার্থ করবে, সে তত উঁচু পদ পাবে । ভারতে প্রথমে দৈবী সম্প্রদায় ছিলো তারপর অসুরী সম্প্রদায় অথবা শূদ্র সম্প্রদায় হয়েছে । এখন আবার তোমরা দৈবী সম্প্রদায় হবে । এখন তোমরা ঈশ্বরীয় সম্প্রদায় হয়েছে এরপর দেবতা হবে । এই চক্রকে খুব ভালোভাবে বুঝতে হবে । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ -ভালোবাসা এবং সুপ্রভাত । বন্দে মাতরম্ । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) সবাইকে সুখ দিয়ে দৈবী সম্প্রদায়ের বানাতে হবে। আসুরী সম্প্রদায়ের কোনো কর্তব্য করো না। এই শিবালয়ের স্থাপনে সাহায্যকারী হতে হবে।

২) আত্ম - অভিমানী হয়ে থাকতে হবে। গৃহস্থ জীবনে থেকে এক বাবাকেই স্মরণ করতে হবে। যোগ অগ্নিতে নিজের বিকর্ম দক্ষ করতে হবে।

বরদান :- রুহানী গোলাপ হয়ে চারিদিকে রুহানী সুগন্ধ ছড়িয়ে আকর্ষণ মূর্ত হও

সর্বদা এই স্মৃতি যেন থাকে যে আমি ভগবানের বাগানের রুহানী গোলাপ। রুহানী গোলাপ অর্থাৎ কখনোই রুহানিয়ত থেকে দূরে যায় না। যেমন ফুলের মধ্যেই সুগন্ধ থাকে, তেমনি তোমাদের সকলের মধ্যেও রুহানিয়তের সুগন্ধ এমন ভাবে সমায়ািত আছে যে, অটোমেটিক চারিদিকে ছাড়াতে থাকে আর সবাইকে নিজের দিকে আকর্ষণ করে। এখন তোমরা এমন সুগন্ধযুক্ত বা আকর্ষণ মূর্ত হয়েছো তাই তোমাদের স্মরণ মন্দিরে ধূপের সুগন্ধের দ্বারা হয়।

স্লোগান :- পরোপকারী সে-ই যে, স্ব - পরিবর্তনের দ্বারা বিশ্ব পরিবর্তন করার নিমিত্ত হয়।